

QVÆSTIO MEDICA,

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM,

die Iouis xxi. I. Ianuarij.

M. ANTONIO MORAND,

DOCTORE MEDICO, PRÆSIDE

An Pueris acutè laborantibus Venæ Sectio?

I.

CERTIS quia labuntur, velis nolis, cuncta temporibus, nihil semper floret, ætas succedit ætati, & vt in vitam, sic in mortem per vices itur: An propterea cogitatio in pectus tuum descendet, tantas istas mutationes perspectis annorum spatiis definiri, notisque posse limitibus coërceri? lex id vetat Apollinea, vt sit ætas id vitæ curriculum quo luculenter corporis temperamentum per se suaque sponte mutatur. Lucis ingressu ex semine & sanguine conflatus & conglutinator homo, & humidissimus & calidissimus manifestè deprehenditur, sicque principiorum naturam redolere necessum est, cum ex humida calidaque substantia corpus ejus oriatur, quò vnumquodque generationi suæ vicinius est, eò humidius & calidius, vt quantum ei in vitæ finem declinandum sit, tantum & siccitate contabescat; tum ignis virtute partes humidæ exsiccantis, cum assiduâ caloris actione humidum absorbentis; Nolim tamen existimes princeps animal, primis ineuntis infantia

A

aut pueritiæ diebus & annis², debuiffe cæteras ætates aut firmitate corporis, aut animi robore superare.

II.

SI constet inter omnes, Pueros facultatis munere Iuuenibus antecire, quod abundant, vt in lucem editi sunt, genuino neqtare & ingenti calore, quantoque perfectiora fuerint eorum opera, tanto caloris & humidi vim atque substantiam vberiore adesse, vnde, amabò, omni licet ætate omnes homines in morbos incidunt, Puerili grauissimis affligantur & acutissimis, qui cum magnitudine & vehementia celeriter sua percurrunt tempora, sæuissimisque symptomatis ingruere solent, ijque mortiferis vrgentur? Res ipsa loquitur, facile calida humidaque corpora putrescunt, cum insitus eorum calor imminuitur, partesque corporis inter se dissident: Et vbi sanguis corruptus est, ex quo prauitas omnis, aut citra labem is caluit, tot morbis & agrotationibus vndique circumfunduntur, vt cogitet constantium hominum nemo, non siliernium, quibus possit artibus repuerascere; præstat eos iustis viuendi legibus continere, & vbi contenta nocent, interiores acutorum morborum causæ, euacuationem accedere, quæ noxiorum est expulsio.

III.

QUOD alienum est, quia Naturæ molestum, idipsum & Ars iubet extrahere radicitus, nec aliàs in eam rem potissimum machinas adhibet, quàm aut venæ Sectionem aut purgationem, vt sublati causis opprimentibus, vires ilico resurgant, quæ aliàs affectionis diuturnitate conciderent; At periti est artificis morbi vim & substantiam demere viribus quàm fieri potest, minimum oblati, tunc enim Natura noxiotum humorum onere leuata, in pristinum statum restituitur: cumque Puerorum ætas, in qua humanum genus spes atque opes suas omnes collocat, virium substantiâ præ cæteris abundet, & ætate senili, quæ & frigidissima & siccissima est, quotiescumque graui Peripneumoniâ, vel pungente Pleuritide torquetur, vtilliter sanguis effunditur, potiori jure carnosi Pueri & liberaliter educati, quibus venæ sanguine distenduntur,

quàm mox sectâ venâ seruabuntur, sic Febres omnes, antequam sanguis exuratur, aut putredo latius diffundatur, & obscurè serpens medullitis in eorum corporibus insideat, generosissimo præsidio penitus exingues, quo vitam ad extremum senium integrâ & incorruptâ sanitate ducant.

I V.

ARTIS præstantissimæ tam antiquum & humanum opus est Venæ Sectio, sine cujus adminiculo vix Purgatio decernitur, ut tibi non congruat habere religioni, cui propensior benignitas esse debet in calamitosos, si diobolaris Hæmophobus præstoletur in omnibus morbis vel etiam acutissimis, dum signa coctionis eluceant, ipso statim initio, qui sanctioris disciplinæ jura calles, venam exolue; ubi enim plenitudinem exemeris, quæ malis ansam dedit, & quæ miseros ægrotantes in vitæ perniciem deduxit, in vado res erit. Et quoniam in Arte nostra cunctari periculosum, dum insulsus Seplasiarius animum & prudentiam perperum desponder, ignarus quid virtus valeat, aude constanter quæ sapientis consilium postulet, interest enim non quæ ætas sit, neque quid in corpore intus geratur, sed quæ vires sint, firmus puer & robustus senex & grauida mulier valens, sectâ venâ curantur, multisque nominibus Sanguinis missio tum purganti medicamento, cum subsidijs de more sequacibus præstabit, ne temerè subscribas ijs qui candenti ferro tenellulorum infantium occipitium adurunt, quâ morbis puerilibus vindicentur.

V.

MIRABILITER in omni pura vel impura plenitudine intercisa Vena succurit, nec homo toto vitæ decursu frequentius se cibisingurgitat quàm cum in teneris est, ut immensam tunc ejus gulam diceres. Suis viribus & adeo validis nititur hæc ætas, ut sponte naturæ Pueris etiam nefrendibus sanguis interdum abundè prodeat è naribus non importato corpusculis detrimento. Ergo si prava quædam corporis affectio qualis est inflammatio, Iecur, Cerebrum partesque Cordi connexas occuparit, ut grauis inde concitetur agitatio, languidior euadat appetentia, sitis enecet, dolor excruciet, somno omnium laborum & solitudinum

perugio priuetur æger, Morbillorum & Variolarum infatigabilis crudelitas, intolerabilis fœditas & immanis audacia deterreat, lactumen deturpet, macie corpus extabescat, vrat intertrigo, typhus incurrat, ardens febris extorreat, inordinatè vaga redeat, stata remittat, querquera quatiat, synochus vrgeat, morbus Puerilis in cruciatum insiliat, solstitialis fœuitia gliscat, nervus & muscoli conuellantur, sœua Phrenitis rabiem effundat, Apoplexia terribili veluti iactu fulminis percellat, capitis ardor impetat, strangulet Angina, acerbissimus aurium cruciatus exanimet, lateris dolor consumat, renes doleant, dirusque torminum affectus vires prosternat & fundat, venam abscinde, nec justioribus armis, innumeras tristis Morboniæ cohortes quæ Pueris imminet, exarmabis.

Ergo Pueris acutè laborantibus Vene Sectio.

DOMINI DOCTORES DISPUTAVI

<i>M. Ioannes de Saint-Yon.</i>	<i>M. Ioannes Maurin.</i>	<i>M. Franciscus Mandat.</i>
<i>M. Petrus Regnier.</i>	<i>M. Iacobus du Val.</i>	<i>M. Claudius Linnard.</i>
<i>M. Ioannes Hamon</i>	<i>M. Simon Boulot.</i>	<i>M. Renatus Moreau, Prof. Res.</i>

Proponebat Lutetiæ STEPHANVS BACHOT,
Senonicus, A. R. S. H. M. DC. LII.

*cette thèse est la 974.^e du tome VI
du recueil in-folio de Berry de la faculté*